



გამოცემის, 55-ე წელი, (N-1533) • ოქტომბერი 1978, ფასი 20 კაპიკი.

ნახ. ვ. ლომუასი



— ... თვითმოქმედი ანსამბლი შეასრულებს სიმღერას — „ო, მამი, გლუი“



საპარლამანო სიზმარი

ბარსბანი

„ბარსბანი“ სეზონმა ეკონომისტ თენგი გენგიას საღერ-
დელი აუშალა — მასაც გაუწია გულმა შავი ზღვისკენ, ამი-
ტომ, მეორე დღეს, დილიდანვე, უფროს დაუდარაჯდა, რომ
ხელი მოეწვინებინა საშვებულებო განცხადებაზე. ლოდინის-
გან ილაგაუწყებელი თენგოს მოსაცდელში; სკამზე ჩამოეძინა
და ძილში არაჩვეულებრივი სიზმარი ნახა:

...ნარნარად ლივლივებდა შავი ზღვა. ბიჭვინთის პლაჟზე
ხალხის ტევა არ იყო. მთავარ კორპუსთან თავი მოეყარათ
ფრანგ, იტალიელ და ესპანელ მზეთუნახავებს, შორიანლოს
ამერიკელი ინგლისელი და ინდოელი ქალწულები ჩამომს-
დარიყვნენ; ყველას სახე ჩამოსტიროდა; თარჯიმნის საშუა-
ლებით ადმინისტრატორს გული შეუწუხეს; თენგომ რატომ
დაიგვიანა, ჩვენ დოლარები, ფრანკები, სტერლინგები და რუ-
პიები გადასაყრელი კი არა გვაქვს, სასწრაფოდ შიკრიკი აფ-
რინეთ და თენგო მოგვიყვანეთო! იგივე აზრისა იყვნენ აფრი-
კელი და ავსტრალიელი ლერწამ-ალვატანიანებიც. თენგო
კი ამ დროს უფროსის კაბინეტს შტურმავდა:

— სად არის უფროსი?

— უფროსმა დარეკა, ცოტა შემაგვიანდებო! — ენა და-
ებორკა მდივან ქალს.

— ოთხი საათით იგვიანებს და ცოტა? — გამძვინვარდა
თენგო — დაგვიანებისთვის ჩვენ თუ გვაძრობს ტყავს, მაგის-
თვის არ არსებობს კანონი, თუ?! — ამ სიტყვებზე გენგია მდი-
ვან ქალს ჯალათივით თავს დაადგა და შთააგონა, საბეჭდი
მანქანით შემდეგი სიტყვები დაეებჭდა: „დაწესებულების
უფროსს, ნებიერიძეს, გამოეცხადოს საყვედური სამსახურში
დროზე გამოუცხადებლობის გამო და დაექვითოს კვარტა-
ლური პრემია!“

რაც უფრო იგვიანებდა უფროსი, მით უფრო მძაფრდებოდა ბრძანებები:

„განთავისუფლებულ იქნეს დაწესებულების უფროსი ნე-
ბიერიძე დაკავებული თანამდებობიდან შრომის დისციპლინის
უხეში დარღვევისა და სამუშაოსადმი უპასუხისმგებლო და-
მოკიდებულებისათვის. მის ადგილზე დაინიშნოს მოადგილე
ქებაძე!“

თენგო ხელის მოწერასაც აპირებდა ბრძანებაზე, მაგრამ
ამ დროს დამლაგებელმა გამოადვიდა: სამუშაო დღე მთავრდებ-
და და მოსაცდელი უნდა გამოეცხადებინათ. თენგომ ნამძინა-
რევი თვალები სასწრაფოდ მოიფშვინა და ჭერს მიაჩერდა.
უცებ თვალწინ ნათლად წარმოესახა ნარნარად მოლივლივე
შავი ზღვა, ბიჭვინთის პლაჟი, უცხო მზეთუნახავები და ეხე-
ბააშლილი უფროსის კაბინეტის კარს ეცა.

— უფროსი ზღვაზე! — აუწყა მდივანმა ქალმა.

ზეიმობს გმირი საბჭოთა ხალხი
კონსტიტუციის პირველი წლისთავს!
ვერავენ ნახავს ჩვენს დროშას დახრილს! —
ამ დროშის ფერს და სიმაღლეს ვფიცავთ!

კონსტიტუცია მოქმედებს, ცოცხლობს
და ჩვენს მიღწევებს უდევს საფუძვლად,
გამარჯვებების აჩაღებს კოცონს! —
კაცობრიობას იმედს აღუძრავს!

დავიცავთ სისხლის, სიცოცხლის ფასად
მის ყველა სიტყვას — ზედმაფრენას!
მისით აღმოვფხვრით ჩვენს ყველა ნაკლსა
და ნეგატიურ მოვლენას ყველას!

ყველა სიძნელეს მისით გავუძლებო
და კომუნიზმის ბჭესთან მივიტანთ —
შრომის, მშვიდობის ძვირფას საუნჯეს —
ჩვენი ცხოვრების კანონს ძირითადს!

კონსტიტუციის ორ ტიტან ავტორს —
დიდება — დიად ხალხს და პარტიას!
მათი უქრობი ნათელი გვათოვს,
მათი ღვაწლია, რაც გვაბაღია!

კონსტიტუციას — დიდება — ახალს! —
თავისუფლების დიდ მზეს დიდება, —
სულ რომ წინ და წინ, მაღლა და მაღლა
სამშობლოს ჩვენსას მიეზიდება!

ქაკაგებები

- სამუშაო საათებში თუ არ იცით, რა უნდა გააკეთოთ, მაშინ იმუშავეთ!
- რაც უფრო ძირს დაუხრით თავს დირექტორს, მით უფრო ზევით ასვალთ!
- ნდობაში როცა შედიხარ, ფეხები უნდა გაიწმინდოთ!
- თუ გინდათ, მოსწყდეთ წარმოებას, წარმოებისაგან მოუწყვეტილ უნდა დაამთავროთ უმაღლესი!

ავთანდილ ქიქვიძე

ღიადობები

— რას შვრება, კაცო, ჩვენი კადრების ინსპექტორი, სასწრაფოდ რომ შეუყენებია ეს კაცი?
— მზარეულად აფორმებს და თავდაპირველ წონას ინიშნავს ანკეტაში.

- ის დაუწინაურებიათ!
- ვინ ვითხრა?
- დღეს შემხვდა და გამარჯობა დაეზარა!
- მე კი ის დავინახე და გაღიმებული მომესალმა!
- რაზე მოხსენეს, ნეტავი?!

გიორგი ღონდოლაძე

მალსაჟ ცოტაძე



ნახ. მ. აბაშიძისა
— ამათ არ გააგებინოთ! ამ ვერ მოხვდით და სოფელში მივლინარ სამუშაოდ!

წ ა მ ე ბ ა პ ა რ ს ქ ე ნ ი ს ა

მეოცე საუკუნესა, სამოცდამე-თვრამეტე წელსა, ინტურისტთა სამყოფელსა წარემართა ვარსქენი, ძე არშუშაისი, რამეთუ პირველი იგიც იყო ნორმალურად ჩამცემლ-დამხურავი, ნაშობი მამისა და დედის, ჯერარ თაყვანისმცემელი „ჩექეზისა“ — ქულაჯისა, შარვალ-ხალათისა, მოშიშარი ზომიერი ჩაცმულობისა.

რაჟამს წარდგა იგი წინაშე ინტურისტთა სამყოფელისა მეფისა, ანუ ჰიპისა, არა თუ პატივის მოღებისათვის, არამედ ძღვნად თავის თავსა შესწირვიდა ჰიპისა მის მიმართ უვარგის-ყოფითა, ჭეშმარიტის სამყაროს ძალისათა და თაყვანის-სცემდა ჰიპობასა.

რამეთუ ითხოვდა მთავარი ჰიპი და ესრეთ ეტყოდა ვითარზედ: „რომელ იგი ბუნებით ცოლი არს და შვილნი იგინიც ესრევე მოვაქცინე შენსა ქცევასა, ვითარცა მე“.

და იმიჯნა ჰიპისაგან და ვითარცა მოიწია იგი საზღვართ პროსპექტებისა რუსთველისა და პლუხანოვისა, სანატრელმა შუშანიკ, ვითარცა ასტროლოგმან ჰრქუა „უკეთუ სულითა ცხოველი არს, შენ გაქვენ თმები, გარდატევებული ვითარცა ერთი ვინმე შეურაცხთავანი, და ვერვინ იკადრა თავსა შენსა დაბურვადა, ტანუბანსა ერთი წლის ხანობისა. რამეთუ ამის მიზეზადა ჰყოფ აბანოსა კომუნალურის წყალთაუარყოფლობას და აგრეთვე შენსა ხორცსა და სულს დაეუფლება ჟამი უსაქმურობის, მრავალსა ღება სამსახურების, და მიცემა თავის „ტუნიადევობისა“. მერმე შუშანიკ მწარითა იტყოდა: „საწყალობელ იქმნა უბადრუკი იგი ვარსქენ, რამე თუ უვარ-ყო ჭეშმარიტი ჰიგიენა — სუფთა ტანსაცმლის ჩაცმა, ზარმაცობის შეყუარება, და თვისი თეთრეულის არ გარეცხვა და დაგდება ჩემს ანაბრად“. რა ვერ გაუძლო ვარსქენისა ჰიპობასა, და ვითარცა მწუხრისა ჟამი აღასრულეს, შუშანიკმა მიატოვა სახლ-დარბაზნი მამამთილისანი და იქირავა სახლაკი ერთი მცირე მახლობლად ლოტკინის მთასა და შევიდა მუნ შინა სიმწრითა სავსე.

და შემდგომად ორისა დღისა მოვიდა მგელი იგი ნაქირავებსა ძმაკაცთა თვისთა და ჰრქუა: „შუშანიკ, ნუ მიტეხავ! დღეს მე და ჯოჯიკ და ცოლმან მისმან ერთად პური გჭამოთ, ხოლო გოიმთ ნუ ვის უფლიედ ჩვენ თანა შემოსვლად“.

და ვითარცა მოიწია ჟამი შარაფისა, სახლსა ვარსქენისა მუნ, ცოლმან ჯოჯიკისა შუშანიკს მიართვა ღვინო ჭიქითა და აიძულებდა მას, რათამცა იგი ხოლო შესუა. ჰრქუა შუშანიკ რისხვით „ოდეს ყოფილა არს აქომამდე კონოს მაგიერ ესმიათ ღვინო-კეთებული“ და განყარა ხელი და ჭიქა იგი პირსა შეაღწა და ღვინო იგი დაითხია.

მაშინ იწყო უჯეროსა გინებად ვარსქენ და ფერხით თვისთა დასთრგუნვიდა მას და აილო შუშანიკის კისერზე ბმული მიძიმე ჯვარი და უხეთქნა მას თავსა და ჩაჰვლა და თვალი ორივ ლურჯად ჩაუბუქა ისე, რომ არ ენდომებოდის წამწამთა ფანქარ-ტუში, ხოლო შუშანიკმა შეიხსნა ქამარი „ვრანგლერისა“ და მრავალგზის უთავაზა ვარსქენსა თავსა, ვიდრე სისხლმა არ იხუვლა. შემდგომად წავიდა მთასა ლოტკინსა და განერთხო კითხვად ფოლკნერისა და კამიუსა.

და უთხრეს შუშანიკსა, ვითარმედ: „შვილნი იგი შენნი მიაქცინა მოგობისა“. მაშინ იწყო თაყვანის-ცემად და ტირილითა დიდითა ჰრქუა: „გმადლობ შენ, ჰიპო ვარსქენ ჩემო, რამეთუ იყვნესავე არა ჩემნი, არამედ შენნი მოცემულნი იყვნენ. ვითარცა გნებავს, იყავნება შენი!“ ე. ი., როგორც გინდა, ისე მოუარე შეილებსო.

ხოლო ვარსქენმან გამოარჩია ძუძუსმეტე მისი საკუთარი, რათა მოიყვანოს იგი ლოტკინის მთასა და ჰრქუა. „ისმინე ჩემი, ნუ აოხრებ სახლსა მას თქვენსა, ნუ მიზეზობ ჰიპობასა ჩემსას, სინამდვილეში არ გეწადის შეილებისა შენი გაზრდა!“

არ ისმინა შუშანიკმა ვედრებაი ვარსქენისა და ჟამსა ორშაბათისა სასამართლომ განყარნა შუშანიკ და ვარსქენ.

შუშანიკს დაეკისრა ალიმენტის გადახდა, როგორცა შეილების უარყოფელს და ოჯახის მიმტოვებელსა. ამასთან ჩამოერთვა დედის უფლება.

ვარსქენს კოვზი ნაცარში ჩაუვარდა, ვერ ეღირსა ჰიპობისა თაყვანისცემასა.

ახლა მწუხრისა ჟამი დაუდგა ვარსქენსა: ზრდის შეილებსა ალიმენტითა, მორთმეულით შუშანიკისგან ყოველთვესა. ხოლო შუშანიკი თავსა თვისას ჰიპობს!



— როგორმე თავი შევიმაგრეთ. გაიაროს კატიოსანი კაცია!

კარდიოლოგიური იგავები


ბრიყვი ჩხიპვი

„ბარტყებს ცოლს დავაზრდევინებ, მე ვიფრენ ზევით-ქვევითო!“
და ბრიყვმა ჩხიკვმა გუგულის ტურფა ასული შიერთო.
ჯაფარამ ის ქნა, რაც მისთვის არვის უქნია არასდროს:
ბარტყებს თვითონ ზრდის ჯახირით, ცოლი ჩიტებში ნავარდობს.

ქუ იყოს, თუნდა ხვადია...

მეხორცე ყურშა დოვლათით როცა ყელამდე აივსო, მოხსნეს: — ხვადია მსუნაგი, წამგლეჯი მიტომ არისო! მეხორცის ადგილს უბაწროდ მერე მურია მიება, ჭამს!... უგნურს მართლა ჰგონია, ძუა და ეპატიება!

ქიშვარდ ისაბაძე



უსიტყვოდ

კუთაისის სასწავლო-საწარმოო წამოწყების ძ. მახარაძის
ჰიპოკრატის დამამზადებელ უზანს!

კვიფასო მიჰიპოკრატე უზანო! ხომ არ გამოგითვლინა, საუშალოდ, თქვენს მიერ გამოშვებული საკანცელარიო ასი ცალი ჰიპოკრატის რამდენი მებრძოვა კედელზე და რამდენი ცვივა ძირს, უმრცხვენილი და ცხვირმიჭულბილი? ველით არა პასუხს, არამედ წვერმებარ ჰიპოკრატებს!

პატივისცემით ც. აფციაური.

საკუთარი პერიუთი

„ვოლგის“ ხენეზა-ხენეზით გადმოვიდა, გოგრაასავით დაცვარულ თავკისერზე ერთხელ კიდევ ჩამოისვა ხელსახოცი და გულსმოფონებული ტახივით გაგორდა მდელივზე.

— იიფ! გიშველათ ღმერთმა, აი ამას გიჩინებდით... მოვაწყოთ ექსკურსია, მოვაწყოთ... სჯობს ამას რამე?

„ვოლგის“ უკან გაჩერებული ავტობუსიდან თანამშრომლები გამოიშალნენ.

— მშვენიერი ადგილია, ბატონო, ანტონ, ჰო, ჰო, რა მახვილი თვალი გაქვთ! — ფერხით გაუგორდა ადგილკომის თავმჯდომარე.

— ხელმძღვანელობა, თორემ... კულტმასობრივი მუშაობა ნელია! — გადაუბღვირა „მესტკომს“ მოადგილემ.

— თქვენთვის ვამბობ მე, ამხანაგებო, თქვენთვის, წადით, დაისვენეთ კულტურულად, გამოიკვალეთ პაერი და დასვენებული გონებით შეუდექით საქმეს! რა სჯობს ამას?

— მაგას რაღა უნდა სჯობდეს, ბატონო ანტონ!

— ესაა სიცოცხლე!

— მაგას ვამბობ მეც, ყველაფერს რომ შენი ხელით გააკეთებ კაცი, ისაა მადლი...

— თქვენი ბაგენი დასვენებენ სრულ ჭეშმარიტებას! — ამოიკვნესა მოპოეტო ბულალტერმა.

— მე, მაგალითად, ძალიან მიყვარს ასეთი რამ, აიღებ საკუთარი ხელით... აბა, ქალებო, რაღას უყურებთ, ამოლაგეთ ჩანთებიდან, თუ გაქვთ რამე... საკუთარი ხელით, შენ თვითონვე რომ გაშლი სუფრას... მანდ არა, კაცო, ავერ, ამ ხეების ქვეშ... ჩააციებ შენი ხელით ღვინოს, ლიმონათს... გოგია, გაიქეცი ერთი, ცივი ბორჯომი მომიტანე, ბაგაყნიკშია... საკუთარი ხელით გაკეთებული მაინც სულ სხვაა... ელენე, ჭიჭა მოიტა, შენს ქალობას. მოაგროვებ ფიჩხს, დაანთებ ცეცხლს სხვის გარეშე... რას დამდგომოხართ თავზე, ახალგაზრდებმა ფიჩხი მოაგროვეთ... კაცმა ყველგან ყველაფერი საკუთარი მარიფათით უნდა გააკეთოს... ივანე, რომ გამოგვიჭედე ყური, ძველი მონადირე ვარო, დაანთე ცეცხლი!.. ჰო, შენივე ხელით მოჭრი ხორცს, ააგებ მწვადს... კალისტრატე, შენ კიდევ ჩემი თქმა გინდა? ამხელა ტყეში ერთი შინდის ხე ვერ უნდა იპოვო? ე, მასე, აბა, შენ იცი, უნი საშამფურები ასახლიტე შინდის... ქალებო, რას უცდიო, ჩქარა კიტრი, მწვანილი, პამიდორი წაყარეთ წყაროში და მერე ჰე! ამას ჰქვია ნამდვილი დასვენება. მე მაინც ასე მი-

ყვარს, შენ თვითონ რომ გაიჩევი... გულიყო, აბა, ხილს ერთი შენებურად, კობტად მოუარე... საკუთარი მარჯვენით გაკეთებულ კრუშონს რაღა სჯობს, პაპ, პაპ, პაპ, ვალიყო, სად ხარ, კაცო?! ჰო, საზამთროსა და ნესვს მიხედვ... გემო სწორედ იმასა აქვს, კაცი შენი ხელით, საკუთრივ რომ დაამზადებ... კი, მაგრამ, ყარამან, შოთები წამოიღე?

— გახლავთ, ბატონო.

— მდა... კაცმა ყველაფერი შენი ხელით, შნოთი და მარიფათით უნდა გააკეთო. მე ასე მიყვარს. სახლშიაც ასე ვიცი, თუ ჩემი ხელით არ გავაკეთე... რას შვრები, ნატო, ცოტა შეათბე ეგ კატლეტები... ადრე, ახალგაზრდობაში, წავიღებდით ხოლმე სამწვადეს, ბადრიჯანს... კი მაგრამ ბადრიჯანი და ცხვრის ღუმეა წამოიღეთ?

— კი, ბატონო.

— ასეა, კაცმა, საერთოდ, ცხოვრებაში ყველაფერი შენი, საკუთარი მარჯვენით უნდა გააკეთო, სხვის დაუხმარებლად...

— სუფრა გაშლილია, ბატონო!

— ჰოო, აბა, რაღას ვუცქერით... მანდ ერთი ორი პამიდორიც წამოაგეთ შამფურზე... აბა, დასხედით და მეც ახლავე მოვალ... ჩემს შოფერს მინდა რაღაც დავაბარო.

ბატონმა ანტონმა პატარა მდელიო გადაიარა და ბუჩქებს მიეფარა.

— არ დაგვხოცა, ამ ოჯახქორმა?! ესაა კულტურული დასვენება?! რიღას გამკეთებელი ვარ ხვალ?! — აწითლ-

ბული, გახვითქული სახე მოაბრუნა ცეცხლთან ჩაცუქქულმა ყარამანმა და ერთი ლაზათიანად გადააფურთხა ნაცარში.

თამადად ნაკურთხი ბატონი ანტონი კარგა შებინდებამდე ატრიალებდა ყანწებს... საკუთარი ხელით.

წ. ყორღანაშვილი

ეკიგრაემები

ზარმაცი სახსე სუფრასთან ჯავრი გამარავდა მოღვაწეების, გტანჯავდა სხვათა ჯავა და ღვაწლი! გადმოანთხიე? როგორ გაწვალდი! არ უნდა გესვა ამდენი აწლი!

პი-პი-პი...

როგორც გენებოს, ვაიფე: მხოლოდ გუბუა წყნარად! ვინც ქვეყნად მარტო „პი“ იცის, მისი არა მწამს, არა!

მოხუცი კომისის ფიქრები


არ დამკლვებია არც მტრების ლანძღვა, არც მეგობრების ქება-ღიღება. და განსხვავება ეს იყო მხოლოდ: მტრებს ვიცნობდი და მეგობრებს — არა!

დამაჯარმეველი პრიტიპა



დაწერენ წიგნის განქიქებას — ვითომ კრიტიკას! ხიცრუის წლეა შოგუგუნე, სიმართლის — წვეთი... ამ გაუნდობელ მისტერიას ბეჭდავენ ჩუმად, თითქოს მომფინეს საიღუმლოს სინათლის სვეტი! „დაწერე თვითონ უკეთესი! — ვურჩევ კრიტიკას, — მკითხველი უფრო დაიჭერებს ასეთ კრიტიკას!“

აბაპი გელოვანი

ნახ. ა. მარაძისა



უსიტყვოდ



უსიტყვოდ



„ნიანგის“ მიმდინარე წლის მე-4 ნომერში დაბეჭდილ კრიტიკულ შენიშვნაში, სათაურით — „წერილები ნიანგს პასუხები-ანად“ — აღნიშნული იყო, რომ თიანეთის რაიონის სოფელ ხევსურთსოფელი სახმელი წყლის ნაკლებობას განიცდის.

თიანეთის რაიონის სახალხო დეპუტატთა საბჭოს აღმასკომიდან შეგვატყობინეს, რომ წერილში აღნიშნული სინამდვილეა, რომ ხევსურთსოფელში, რომლის მოსახლეობა 400 კომლს აღემატება, ორი ათეული წლის წინათ გამოუყვანიათ სახმელი წყალი. დროთა განმავლობაში წყალსადენი ქსელი დაზიანებულა და მოშლილა. აღარც წყლის დებეტია საკმარისი. საჭიროა ქსელის შეცვლა-შეკეთება, სათავე ნაგებობის რეკონსტრუქცია, ახალი წყაროების მიერთება.

აღნიშნული სამუშაოებისათვის თანხისა და მასალის გამოყოფა სასოფლო და რაიონული საბჭოების შესაძლებლობებს აღემატება. სახალხო დეპუტატების თიანეთის რაისაბჭოს აღმასკომი სთხოვს საქართველოს სსრ სოფლის მეურნეობის სამინისტროს, მომავლისათვის გათვალისწინებულ იქნეს სოფელ ხევსურთსოფლის წყალსადენის სარეკონსტრუქციო სამუშაოებისათვის საჭირო თანხისა და მასალის გამოყოფა.

შურნალის მე-7 ნომერში სათაურით — „ნიანგი ვისმენთ!“ — გამოქვეყნდა კრიტიკული მასალა, რომელშიც ნათქვამი იყო, რომ წალენჯიხის რაიონში ზუგდიდ-ჯვრის მარშრუტის ავტობუსში მძღოლები მოსწავლეებს არ უშვებენ.

წალენჯიხის რაიონის სახალხო დეპუტატთა საბჭოს აღმასკომიდან მოგვწერეს, რომ აღნიშნული ფაქტი დადასტურდა.

აღმასკომმა გამოყო სპეციალური კომისია, რომელსაც დავებულა შეისწავლოს რაიონში

ავტოტრანსპორტით ბავშვთა უფასოდ გადაყვანის შესახებ კანონის შესრულების მდგომარეობა.

ახალი სასწავლო წლიდან იმ მოსწავლეებზე, რომელთაც უფასოდ გადაყვანის შესაძლებლობა ეკუთვნით, გაიცემა სათანადო მოწმობები, რომლის მიხედვითაც დაევალება ავტოსატრანსპორტო საწარმოს ხელმძღვანელობას უზრუნველყოს ავტობუსის მძღოლთა მიერ მოსწავლეთა უფასოდ გადაყვანის კანონის დაცვა.

„პატარების სამხმობარი ნიანგს“ — ასეთი სათაურით ჩვენი ჟურნალის მე-12 ნომერში დაბეჭდილი წერილი ამხელდა ნაკლოვანებებს ღუშეთის რაიონის სოფელ შატილის სამედიცინო, სავაჭრო და კავშირგაბმულობის მომსახურების სფეროში.

ღუშეთის რაიონის სახალხო დეპუტატთა საბჭოს აღმასკომიდან მოგვწერეს, რომ წერილში აღნიშნული სინამდვილეა: 1977 წელს, წაადრეველ მოსული დიდი თოვლის გამო, შატილის გადასასვლელი ადრე ჩაიკეტა, ვეღარ მოესწრო მოსახლეობის მომარაგება საჭირო რაოდენობის სურსათით.

მიმდინარე წლის 11 ივლისს რაისაბჭოს აღმასკომმა იმსჯელა და დასახა ღონისძიებანი ნაკლოვანებათა გამოსასწორებლად.

ღუშეთის რაისაბჭოს აღმასკომმა რესპუბლიკის ხელმძღვანელ ორგანოებში დააყენა საკითხი ბარისაბოში ცალკე საგზაო-საექსპლოატაციო უბნის შექმნის შესახებ, რაც უზრუნველყოფს ქინვალ — შატლის გზის დროულ გაწმენდასა და ნორმალურ ექსპლოატაციას (ამჟამად ამ გზას ემსახურება ტერიტორიულად საკმაოდ დაშორებული ფასანაურის უბანი).

აგრეთვე ირჩივა სამოქალაქო ავიაციის სამმართველოს, ზამთრის პერიოდში, შატილში ორჯერ მაინც დაინიშნოს ვერტმფრენის მიმოსვლა.

ნიანგის ფოსტა

მცხეთის რაიონის სოფელი კარხანი ჯვარს შეპყურებს და შენატრის: ნეტავ, შენი წყალი გადომესხას — გზა მქონდეს! აბა, ისეთ გზას, შენთან რომ მოდის, მე ვინ გამოიკეთებს?! სიმაართე უნდა ითქვას, გზის შეკეთება (თუ ამ გზას გზა პქვია და თუ ამ შეკეთებას შეკეთება შეიძლება დაერქვას) ხშირად ხდება. მოიტანენ ორ მანქანა ქვიშას, დაყრიან, ამოავსებენ ორმოებს, დაფარავენ დიდ ქვებს. მოვა წვიმა, წაიღებს ქვიშას. დარჩება ქვა და ორმო. ძნელი წარმოსადგენია საავადმყოფო და ისიც სპეციალიზებული, სასმელი წყლის გარეშე. „წყლის საქაჩავი“ ზოგჯერ მუშაობს და ზოგჯერ სად რას „ქაჩავს“, ვერ გავიგე!

იქნებ, თქვენ მაინც გაიგოთ ჩვენი გაპირება, პატივცემულო რედაქციავ და დაგვენბაროთ!

შინგვალქვისის მშენებლობას, აბა, წინ რა დაუდგება?! ადგილობრივი მცხოვრებლები სიხარულით შეგვხვდით ამ კეთილ და საშვილიშვილო საქმეს. ჩვენს კარმიდამოს მოვეცილდით და იქვე, ახლოს, არანისის მინდვრებზე, დავსახლდით. ისე, მართლა მინდორზე რომ დავსახლებულიყავით, ის სჯობდა, ამ ახალ ვითომ კეთილმოწყობილ სახლებში შესახლებას. მობრძანდით, ჩვენი სახლები დაათვალიერეთ და დარწმუნდებით, რომ აქ სიტყვები

„ხარისხი“ და კეთილმოწყობა“ სიცილს თუ არა, ღიმილს მაინც გამოიწვევს თქვენში!

ამ ბარათს ზესტაფონიდან გწერთ გურამიშვილს ქუჩის მცხოვრებნი. ჩვენი ქუჩა თითქმის ქალაქის ცენტრშია, იქ, სადაც საქვეყნოდ ცნობილი ქარხანაა, მაგრამ ჩვენ მაინც ორმოებს ვახტებით და კოლოები კი ჩვენ გვახტებიან. განცხადებებსა და საჩივრებს ბევრს ვწერთ, მაგრამ არ იქნა ამ ქუჩის შეკეთება.

ძვირფასო ნიანგო! აბა, არ გვპირდება თქვენი დახმარება?!

თბილისში ვცხოვრობთ, ოქტომბრის ქუჩა №17, 18 და34-ში, იქ, სადაც ვავონშემკეთებელი ქარხანაა. ჩვენი სახლის წინ, ღია არხით, ქუჩიანი წყალი მოედინება, რასაც უერთდება ჩვენივე სახლების გაბინძურებული წყალი, რის გამოც გაჩენილია უამრავი კოლო. ძილი და მოსვენება არა გვაქვს, ბავშვები სკაფანდრებით დაგვეყავს, ჩვენ კი პირბადეები შევიკერეთ და ხმალომობულები ვებრძვით ვირთხებსა და კოლოებს.

მოგვეხმარეთ, თორემ რიცხობრივი უპირატესობა თავისას იზამს!

შანი სიხარულით



ნახ. ელისო მაყაუზილისა

— არ გაშალეთ, წვიმაში ფერი გადაუვა!

მთავარი რედაქტორი ზურბან გეგაზაშვილი სახელაპყრო კოლეგია: ზ. გომრბაძე (მთ. რედ. მოადგილე) ზ. კაციაშვილი, ჯ. ლილუა, ზ. ლომია, ნ. მაღალაშვილი (ხმატვ. რედ.), ზ. ნიუნიანი, ზ. სიხარულითა (პ/მგ. მდივანი), ზ. ფირცხლაშვილი, თ. ზელიძე ● ტექნიკური რედაქტორი მ. კახალაშვილი, ● საბირისა და იუმორის შუროლი „ნიანგი“. ● თბილისი, რუსთაველის პროსპექტი № 42, ● საქართველოს კ. ც. კ. გამომცემლობა, გადაეცა ასაწყობად 6/IX-78 წ. ხელმოწერილია დასაბეჭდად 10/X-78 წ., ქალაქის ზომა 70x108/8 ფიზიკური ნაბეჭდი ფურცელი 2. სადრიცხო-საგამომცემლო თაბახი 1.7 ● საქართველოს კ. ც. კ. გამომცემლობის სტამბა, თბილისი, ლენინის ქ. 14. ● შეკვ. 2475. უფ. 00849. ტირ. 141.000 ● თბილისი, პრ. რუსთაველი № 42, Сатирико-юмористический журнал «Нянг», ● Издательство ЦК КП Грузии. ● Типография Издательства ЦК КП Грузии, Тбилиси, ул. Ленина № 14. ტელეფონები: 99-76-69, 93-19-42, 93-10-78, 93-49-32. რედაქციაში შემოსული მასალები ავტორებს არ უბრუნდებათ.



ნახატი თემების ავტორები: მ. აბაშიძე, ზ. ბოლქვაძე, ა. ერმაძე, გ. ლომიძე, მ. მერაბიშვილი, თ. კიკნაძე, ი. უნიანი.



ეროვნული
ბიბლიოთეკა

კაპიტალისტურ სამყაროში 18 მილიონი კაცი მოკლებულია ადამიანურ უფლებას — არ აქვს სამუშაო.

